

Univerzitet u Sarajevu – Akademija likovnih umjetnosti
Obala Maka dizdara 71.000 Sarajevo website: www.alu.unsa.ba
T:+387(0)33 210 369 F:+387(0)33 210 530

Na osnovu člana 20a. Zakona o radu ("Službene novine Federacije BiH", br. 26/16 i 89/18), čl. 3. stav (1), 6, 7, 9, 12. stav (2) i 19. Uredbe o postupku prijema u radni odnos u javnom sektoru na teritoriji Kantona Sarajevo ("Službene novine Kantona Sarajevo", br. 19/21 i 10/22), čl. 12. stav (3) i 13. Jedinstvenog pravilnika o radu Univerziteta u Sarajevu (broj: 02-89/19 od 19.09.2019. godine), Odluke Vlade Kantona Sarajevo o davanju saglasnosti za popunjavanje radnih mjesta na organizacionim jedinicama Univerziteta u Sarajevu (broj:02-04-16944-24/22 od 21.04.2022.godine) i Odluke o potrebi zapošljavanja i prijema radnika u radni odnos broj 03-621/22. godine od 17.11.2022.g. Univerzitet u Sarajevu- Akademija likovnih umjetnosti , raspisuje

JAVNI OGLAS
za prijem u radni odnos

Naziv radnog mjesta:

Šef službe za opće poslove i tehničke poslove, jedan izvršilac, na neodređeno vrijeme- uz probni rad od 3 mjeseca

Opis poslova radnog mjesta:

Organizira, kordinira, nadzire i usklađuje pravovremeno i uredno obavljanje svih poslova iz djelokruga rada službe, prati propise iz oblasti protivpožarne zaštite i zaštite na radu i u skladu sa tim predlaže dekanu, prodekanima i sekretaru mjere za unapređenje rada službe. Organizuje uredno obavljanje svih administrativnih, evidencijskih, tehničkih poslova, matičnih evidencija, poslova obezbjeđenja, čišćenja i održavanje prostora, kao i ostale poslove po nalogu sekretara i dekana. Za svoj rada odgovara dekanu i sekretaru.

Pored općih zakonskih uvjeta propisanih Zakonom o radu ("Službene novine Federacije BiH", br. 26/16 i 89/18), kandidat treba da ispunjava i posebne uvjete za radno mjesto:

Stručna sprema: VSS/240-300 ECTS bodova – društvenog ili tehničkog smjera,

Radno iskustvo: Pet (5) godina radnog iskustva na istim ili sličnim poslovima,

Dodatna specifična znanja: Poznavanje rada na računaru i poznavanje engleskog jezika

Mjesto obavljanja rada: Univerzitet u Sarajevu – Akademija likovnih umjetnosti, Obala Maka Dizdara broj 3, 71 000 Sarajevo.

Iznos osnovne neto plaće: u skladu sa Kolektivnim ugovorom za djelatnost visokog obrazovanja i nauke na Univerzitetu u Sarajevu (1.584 KM)

Radno vrijeme: 40 sati sedmično.

Obavezna dokumentacija koju dostavljaju kandidati za prijavu na javni oglas je:

- Svojeručno potpisana prijava na javni oglas sa kontakt podacima (adresa, broj kontakt telefona i e-mail adresa), sa tačnom naznakom pozicije (radnog mjesta) na koju se prijavljuje, te navedenom listom dokumentacije koju kandidat prilaže uz prijavu,
- Biografija (CV),
- Uvjerenje o državljanstvu (ne starije od šest mjeseci),
- Izvod iz matične knjige rođenih,
- Diploma o stečenoj stručnoj spremi,

- Potvrda o radnom iskustvu poslodavca kod kojeg je kandidat radio ili radi , sa obaveznom naznakom o stručnoj spremi sa kojom je obavljao navedene poslove, i naznakom ukoliko je kandidat zaposlen na određeno vrijeme,
- Dokaz o poznavanju engleskog jezika i rada na računaru (potvrda ili certifikat)
- Uvjerenje o radnom stažu izdato od Federalnog zavoda za penzijsko i invalidsko osiguranje/Porezne uprave o radnom stažu (ovaj dokument dostavlja lice koje je ostvarilo radni staž), odnosno potvrdu poslodavca o radnom iskustvu nakon sticanja VSS
- Prijava prebivališta/boravišta u Kantonu Sarajevo, ne starija od tri mjeseca od dana izdavanja od nadležnog organa (dostavlja lice koje ostvaruje prednost prilikom zapošljavanja u skladu sa posebnim zakonom – detalji navedeni pod "Napomena"),
- Potvrda, uvjerenje ili drugi dokument o ispunjavanju uvjeta za ostvarivanje prava prioriteta u zapošljavanju (dostavlja lice koje ostvaruje prednost prilikom zapošljavanja u skladu sa posebnim zakonom – detalji navedeni pod "Napomena"),
- Potvrda o nezaposlenosti Službe za zapošljavanje Kantona Sarajevo (dostavlja lice koje ostvaruje prednost prilikom zapošljavanja u skladu sa posebnim zakonom – detalji navedeni pod "Napomena").

Navedena obavezna dokumentacija se dostavlja u originalu ili ovjerenoj fotokopiji.

NAPOMENA:

- Na prijavi je obavezno naznačiti adresu i kontakt telefon (poželjno i e-mail adresu).
- O datumu, vremenu i mjestu provođenja pismenog i usmenog ispita, kandidati će biti obaviješteni pismeno, usmeno, elektronskim putem ili putem internet stranice Univerziteta u Sarajevu – Akademije likovnih umjetnosti (**www.alu.unsa.ba**), u izborniku/odjeljku "Obavještenja", nakon zatvaranja javnog oglasa. U skladu sa Zakonom o zaštiti ličnih podataka ("Službeni glasnik BiH", br. 49/06, 76/11 i 89/11), imena kandidata se ne objavljuju. O konačnim rezultatima javnog oglasa svi prijavljeni kandidati bit će pismeno obaviješteni u roku od pet dana od dana donošenja odluke o prijemu u radni odnos.
- Nepotpune (prijave bez adrese i kontakt telefona), neblagovremene i neuredne prijave (prijave koje sadrže neovjerene fotokopije tražene dokumentacije), kao i prijave kandidata koji ne ispunjavaju uvjete javnog oglasa neće se uzeti u razmatranje.
- Sa kandidatima kojima prijava bude potpuna i blagovremena provest će se postupak izbora, koji se zasniva na razmatranju dostavljene dokumentacije i provođenju pismenog i usmenog ispita.
- Ako kandidat ne pristupi pismenom i/ili usmenom ispitu smatrat će se da je odustao od daljnje procedure.
- Prilikom zapošljavanja prednost imaju lica utvrđena članom 23. Zakona o dopunskim pravima boraca-branitelja BiH ("Službene novine Kantona Sarajevo", br. 45/12, 26/14, 46/17, 18/19 i 20/20), odnosno Uredbom o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo ("Službene novine Kantona Sarajevo", br. 37/20 i 27/21) i Instrukcijom o bližoj primjeni kriterija vrednovanja prema Uredbi o jedinstvenim kriterijima ("Službene novine Kantona Sarajevo", broj: 38/20 i 28/21), koju dokazuju odgovarajućim dokumentima (potvrda, rješenje, uvjerenje i slično) koje prilažu prilikom prijave na javni oglas, pozivajući se na poseban zakon po kojem imaju prednost.
- Kandidati, da bi ostvarili prioritet pri zapošljavanju, u skladu sa naprijed navedenim trebaju da dostave dokaz da su na evidenciji JU Služba za zapošljavanje Kantona Sarajevo, Uvjerenje biroa ne starije od datuma objavljivanja ovog Javnog oglasa ili dokaz da su zaposleni sa nižom stručnom spremom od one koju posjeduju. Potvrda poslodavca sa obaveznom naznakom stepena spreme

(zanimanja) s kojom je radnik zasnovao radni odnos kod poslodavca ne starija od datuma objavljivanja ovog Javnog oglasa ili dokaz da su zaposleni na određeno vrijeme -Uvjerenje/Potvrda poslodavca sa jasno naznačenom dužinom trajanja ugovora ne starija od datuma objavljivanja ovog Javnog oglasa, te dostaviti dokumentaciju kojom se dokazuje status korisnika prava i dokaz o prijavi mjesta prebivališta/boravišta u Kantonu Sarajevo.

- Kandidat koji bude izabran, dužan je dostaviti uvjerenje o zdravstvenoj sposobnosti i uvjerenje da se protiv istog ne vodi krivični postupak.

***Popis dokumentacije kojom se dokazuje status korisnika prema Uredbi o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo**

Redni broj:	Pripadnost branilačkoj kategoriji	Naziv dokaza - dokumenta	Organ koji ga izdaje
1.	Član porodice šehida/poginulog, umrlog i nestalog branioca	- Uvjerenje o statusu djeteta šehida-poginulog, umrlog i nestalog branioca - Rješenje o priznatom pravu na porodičnu invalidninu za suprugu šehida - poginulog, umrlog i nestalog branioca i - Uvjerenje o učešću u Oružanim snagama za šehida-poginulog, umrlog i nestalog branioca	Općinska služba za boračko-invalidsku zaštitu Grupa za pitanja evidencija iz oblasti vojne obaveze prema mjestu prebivališta
2.	Ratni vojni invalid	Rješenje o priznatom svojstvu ratnog vojnog invalida	Općinska služba za boračko-invalidsku zaštitu
3.	Dobitnik ratnog priznanja i odlikovanja	Rješenje o priznatom pravu na mjesečno novčano primanje dobitniku priznanja	Općinska služba za boračko-invalidsku zaštitu
4.	Demobilizirani branioci	Uvjerenje o učešću u Oružanim snagama	Grupa za pitanja evidencija iz oblasti vojne obaveze prema mjestu prebivališta
5.	Dijete: a) ratnog vojnog invalida b) dobitnika ratnog priznanja i odlikovanja c) demobiliziranog branioca	Uvjerenje o statusu djeteta ratnog vojnog invalida Rješenje o priznatom pravu na: a) invalidninu b) mjesečni novčani	a) i b) Općinska služba za boračko-invalidsku zaštitu c) Grupa za pitanja evidencija iz oblasti vojne obaveze prema mjestu prebivališta

		dodatak c) uvjerenje o učešću u Oružanim snagama	
--	--	--	--

OBAVJEŠTENJE ZA KANDIDATE:

Pitanja i oblasti za provođenja pismenog i usmenog ispita mogu se preuzeti u prostorijama Porte Univerziteta u Sarajevu –Akademije likovnih umjetnosti, Obala Maka Dizdara broj 3, odnosno na internet stranici Univerziteta u Sarajevu – Akademije likovnih umjetnosti (www.alu.unsa.ba), u izborniku/odjeljku "Obavještenja".

Prijave sa dokazima o ispunjavanju uvjeta predviđenih javnim oglasom dostavljaju se neposredno na Protokol Univerziteta u Sarajevu – Akademije likovnih umjetnosti u periodu od 9:00 do 15:30 sati (Biblioteka) ili putem pošte (preporučeno), u zatvorenoj koverti sa naznakom, "NE OTVARAJ - PRIJAVA NA JAVNI OGLAS" i nazivom radnog mjesta na koje se kandidat prijavljuje, na adresu: *Univerzitet u Sarajevu – Akademija likovnih umjetnosti, Obala Maka Dizdara broj 3), 71000 Sarajevo.*

Javni oglas ostaje otvoren 10 dana od dana objave u dnevnim novinama, te na internet stranicama: Univerziteta u Sarajevu, Univerziteta u Sarajevu – Akademije likovnih umjetnosti i Službe za zapošljavanje Kantona Sarajevo.

Dodatna obavještenja i informacije o javnom oglasu mogu se dobiti na telefon 033 210-369